





唐樂府卷三

長樂郡  
振鐸西  
諸子也

新安

吳勉學師古編輯

吳士奇無奇校正

祭祀

祈穀樂章三首

貞觀中褚亮等作

履艮斯繩居中體正龍運垂祉昭符啓聖式事嚴  
禋聿懷嘉慶惟帝永錫時皇休命

殷薦乘春太壇臨曙八簋盈和六瑚登御嘉稷匪  
歆德馨斯飫祝嘏無易靈心有豫



玉帛犧牲申嘉享金絲鍼羽盛音容庶俾億齡禔  
景福長欣萬宇洽時邕嘉音假

雩祀樂章三首

褚亮作

朱鳥開辰蒼龍啓應大帝昭饗群生展敬禮備懷  
柔功宣舞詠旬液應序年祥協慶

紺筵分彩珽圖吐絢鳳管晨凝雲歌曉嘽肅事蘭  
羞虔申桂奠百穀斯登萬箱攸薦

鳳曲登歌調令序龍雩集舞汎祥風絲綵雲迴昭  
睿德朱干電發表神功

雩祀舊樂章二首

開元中作

鳥緯遷序龍星見辰純陽在律明德崇禋五方降  
帝萬宇安人恭以致享肅以迎神  
祀遵經設享緣誠舉獻畢于樽撤臨于俎舞止于  
戚樂停祝啟歌以送神神還其所

朝日樂章三首

貞觀中作

惟聖格天惟明饗日帝郊肆類王官戒吉珪奠春  
舒鍾歌曉溢禮云克備斯文有秩

晨儀式薦明祀惟光神物爰止靈暉載揚玄端肅



唐書  
卷三  
事紫幄興祥福履攸假於昭允王  
崇牙樹羽延調露旋宮扣律掩承雲誕敷懿德昭  
神武載集豐功表睿文

朝日樂章又二首

太陽朝序王宮有儀蟠桃彩駕夕柳光馳軒祥表  
合漢曆彰奇禮和樂備神其降斯  
五齊兼酌百羞具陳樂終廣奏禮畢崇禋明鑑萬  
寓照臨兆人永流洪慶式動曦輪

夕月樂章三首

貞觀  
中作

測妙爲神通微曰聖坎祀貽則郊禋展敬壁薦登  
光金歌動暎以載嘉德以流曾慶  
朏晨爭舉天宗禮闕夜典恭秋陰明湛夕有醑斯  
旨有牲斯碩穆穆其暉穰穰是積  
合吹八風金奏動分容萬舞玉鞘驚詞昭茂典光  
前列夕曜乘功表盛明

蜡百神樂章三首

貞觀  
中作

序迫歲陰日躔星紀爰稽茂典聿崇清祀綺幣霞  
舒瑞珪虹起百靈垂裕萬方受祉



緹籥勁序玄英晚候姬蜡開儀  
函歌入奏蕙馥彫俎蘭芬玉  
酎大亨明祗永綏多祐經緯  
兩儀文化洽削平方域武功  
成瑤絃自樂乾坤泰玉鍼長  
歡區宇寧

蜡百神舊樂章二首

八蜡開祭萬物合祀上極天  
維下窮神紀鼎俎流芬尊彝  
薦美有靈有祗咸希來止

十旬歡洽一日起終澄彝拂  
俎報德酬功慮虔容肅禮縟  
儀豐神其降祉整馭隨風

祀九宮貴神樂章十五首

天寶三年十二月術士蘇嘉慶  
言遯甲術有九宮貴神典司水  
旱請立壇於東郊祀以四孟月  
帝從之禮在太清宮太廟上所  
用牲玉皆侷天地

於昭上穹臨下有光羽翼五  
佐周流八荒誰其饗之時文  
對敷虞經夏典茲禮未遑

黑帝旋馭青躔導日金錄上  
玄玉堂初吉鈎陳夕次鑾和  
先蹕藹藹群靈昭昭咸秩



帝臨中壇受釐元神皇靈萃止羽旄肅陳攝提運  
衡招搖移輪光光宇宙電耀雷震

夜如何其明星煌煌天清容衛露結壇場樹羽幢  
幢佩玉鏘鏘凝精駐目瞻望神光

九位既肅萬靈畢會天門啓扃日御飛蓋煥兮琴  
籥儼兮暗靄如山之福惟聖時對

崇崇泰壇靈具臨兮鏗鏗大樂振動心兮神之降  
矣卿雲郁兮神之至止清風肅兮

帝在靈壇大明登光天回雲粹穆穆皇皇金奏九

夏圭陳八薌曠哉動植如熙春陽

歌工既奏神位既秩天符衆星運行太一聲和十  
管氣應中律肅肅明廷介茲元吉

俎豆有踐黃流在罇九宮之祀三代莫存樂變六  
宮壇開八門聖皇昭對祐我黎元

時文哲后肅事嚴禋馨我明德饗我貴神大庖載  
盈旨酒斯醇精意所屬期於利人

祀既云畢明靈告旋禮洽和應福至神虔動植咸  
若陰陽不愆錫茲祝嘏天子萬年



羽籥既闋千戚陳八音克諧六變新愉貴神兮般  
以樂保皇祚兮萬斯春

盛德陳萬舞威稜暢九垓風雲交律候日月麗昭  
回行慶休祥發乘和春氣來百神肅臨享蕩蕩天  
門開

精意嚴恭明祀豐潔獻酬既備俎豆斯撤日麗天  
儀風和樂節事光祀典福覃有截

享申百禮慶洽百靈上排閭闔洞入杳冥奠玉高  
壇燔柴廣庭神之降福萬國咸寧 唐樂府卷三

唐樂府卷四

明新安 吳勉學師古編輯

陸麀祥長倩校正

上之回

盧照鄰

回中道路險蕭關烽候多五營屯北一作地萬乘

出西河單于拜玉璽天子按雕戈振旅汾川曲秋

風橫大歌

又

沈佺期

制書下關右天子問回中壇墠經過遠威儀侍從



唐樂府 卷四  
雄黃麾搖晝日青  
憶曳松風迴望甘泉道  
龍山隱漢宮

又

李白

三十六離宮樓臺與天通  
閣道步行月美人愁煙  
空恩踈寵不及桃李傷  
春風淫樂意何極金輿向  
回中萬乘出黃道千旗揚  
彩虹前軍細柳北後騎  
甘泉東豈問渭川老寧  
邀襄野童但一作暮  
一作秋暮瑤池宴歸來樂未窮

戰城南

楊炯

塞北途遼遠城南戰苦辛  
旂一作旛如鳥翼甲冑似魚鱗  
凍水寒傷馬悲風愁殺人  
寸心明白日千里暗黃塵

又

盧照鄰

將軍出紫塞冒頓在烏貪  
笳喧鴈門北陣翼龍城南  
琕弓夜宛轉鐵騎曉駢驩  
應須駐白日為待戰方酣

又

徐九臯

塞北狂胡旅城南敵漢圍  
巉巖一鼓氣拔利五兵



威虜騎瞻山哭王師拓地飛不應須寵戰當遂勒  
金微

又

李白

去年戰桑乾源今年戰葱河道洗兵條支海上波  
放馬天山雪中草萬里長一作遠征戰三軍盡衰老  
匈奴以殺戮為耕作古來唯見白骨黃沙田秦家  
築城備胡處漢家還有烽火然烽火然不息長征  
無已時野戰格鬪死敗馬嘶一作號鳴向天悲烏鳶  
啄人腸銜飛上挂枯樹一作桑枝士卒塗草莽將軍

空爾為乃知兵者是凶器聖人不得已而用之

巫山高

凌敬

巫岫鬱岩堯高高入紫霄白雲間危一作抱石玄猿

挂迴一作迴挂條懸崖激巨浪脆葉殞驚飈別有陽臺

處風雨共飄飄

又

鄭世翼

巫山凌太清岩堯類削成霏霏暮雨合靄靄朝雲  
生危峯入鳥道深谷瀉猿聲別有幽棲客淹留攀  
桂情



又

閻立本

君不見巫山高半天起絕壁千尋盡相似君不見巫山碣匝翠屏開湘江碧水遶山來綠樹春嬌明月峽紅花朝覆白雲臺臺上朝雲無定所此中窈窕神仙女仙女盈盈仙骨飛清容出沒有光輝欲暮高唐行雨送今宵定入荆王夢荆王夢裏愛穠華枕席初開紅帳遮可憐欲曉啼猿處說道巫山是妾家

又

盧照鄰

巫山望不極望望下朝氛莫辨啼猿樹徒看神女雲驚濤亂水脈驟雨暗峰文霓裳即此地况復遠思君

又

喬知之

巫山十二峯參差互隱見潯陽幾千里周覽忽已徧想像神女姿摘芳共珍薦楚雲何逶迤紅樹日葱蒨楚雲沒湘源紅樹斷荆門郢路不可見况復夜猿聞

又

一作沈佺期詩

張循之



巫山高不極合沓狀奇新暗谷疑風雨陰崖若鬼神  
神月明三峽曉潮滿九江春爲問陽臺客應知入  
夢人

又

沈佺期

巫山峰十二合沓隱昭回俯眺琵琶峽平看雲雨  
臺古槎天外倚瀑水日邊來何忍猿啼夜荆王枕  
席開

又

張九齡

巫山與天近煙景長青熒此中楚王夢夢得神女

靈神女去已久雲雨空冥冥唯有巴猿嘯哀音不  
可聽

又

王無競

神女向高唐巫山下夕陽徘徊行作雨婉變逐荆  
王電影江前落雷聲峽外長霄雲無處所臺館曉  
蒼蒼

又

劉方平

楚國巫山秀清猿日夜啼萬重春樹合十二碧峯  
齊峽出朝雲下江來暮雨西陽臺歸路直不畏向



家迷

又

張子容

巫嶺岩堯天際重佳期宿昔願相從朝雲暮雨連  
天暗神女知來第幾峯

將進酒

李白

君不見黃河之水天上來奔流倒海不復回君不  
見高堂明鏡悲白髮朝如青絲暮成雪  
人生得意須盡歡莫使金樽空對月天生我材必  
有用一作天生我身必有材又作天生我徒有俊材千黃一作金散盡還復

來烹羊宰牛且為樂會須一飲三百杯岑夫子丹

丘生將今本無進酒君莫停與君歌一曲請君為

我傾一作側耳聽鐘鼎玉帛豈足貴一作鐘鼓饌但

願長醉不用醒一作復古來賢聖皆寂寞一作死盡惟有

飲者留其名陳王昔時一作日宴平樂斗酒十千恣

謹謔主人何為言少錢徑一作且須沽取對一作其君

酌五花馬千金裘呼兒將出換美酒與爾同銷萬

古愁

君馬黃

李白



君馬黃我馬白馬色雖不同人心本無隔其作遊  
冶盤雙行洛陽陌長劍既照耀高冠何赭迄力赫切  
各有千金裘俱爲五侯客猛虎落陷穽壯士時屈  
厄相知在急難獨好亦何益

芳樹

沈佺期

何地早芳菲宛在長門殿天桃色若綬穠李光如  
練啼鳥弄花踈遊蜂飲香遍歎息春風起飄零君  
不見

又

盧照鄰

芳樹本多奇年華復在斯結翠成新幄開紅滿故  
枝風歸花歷亂日度影參差容色朝朝落思君君  
不知

又

徐彥伯

玉花珍簟上金縷畫屏開曉月憐筆柱春風憶鏡  
臺筆柱春風吹曉月芳樹落花朝暝歇藁砧刀頭  
未有期一作時攀條拭淚坐相思

又

符子珪

芳樹宜三月曛曛豔綺年香交珠箔氣陰占綠庭



唐詩卷四  
煙小葉風吹長繁  
花露濯鮮遂令穠  
李兒折取簪  
花鈿

又

李叔卿

春看玫瑰樹西鄰  
卽宋家門深重暗  
葉墻近度飛  
花影拂桃陰淺香  
傳李逕斜靚粧愁  
日暮流涕向  
窓紗

有所思

沈佺期

君子事行役再空  
芳歲期美人曠延  
佇萬里浮雲  
思園槿綻紅豔郊  
桑柔綠滋坐看長  
夏晚秋月照

生一作羅幃

又

楊炯

賤妾留南楚征夫  
向北燕三秋方一  
日少別比千  
年不掩頰紅縷無  
論一作能數絕錢  
相思明月夜迢  
遞白雲天

君子有所思行

李白

紫閣連終南青冥  
天倪色憑崖望咸  
陽宮闕羅北  
極萬井驚畫出九  
衢如弦直渭水清  
銀河今本作  
橫天流不息朝野  
盛文物衣冠何翕  
赭廐馬散連



山軍容威絕域伊臯運元化衛霍輸筋力歌鍾樂

未休一作明榮去至一作老還逼圓光過滿缺太陽移

中曷不散東海金何爭今本西輝作會今本匿無作牛

山悲惻愴淚沾臆

古有所思行

李白

我思仙一作佳人乃在碧海之東隅海寒多天風白

波連山一作天倒蓬壺長鯨噴湧不可涉撫心茫茫

淚如珠西來青鳥東飛去願寄一書謝麻姑

設辟邪伎鼓吹雉子斑曲辭 李白

辟邪伎作鼓吹驚雉子斑之奏曲成喔咿振迅欲

飛鳴扇錦翼雄風生雙雌同飲啄丘妖切悍誰能

爭乍向草中耿介死不求黃金籠下生天地至廣

大何惜遂物情善卷讓天子務光亦逃名所貴曠

士懷朗然合太清

臨高臺

褚亮

高臺暫俯臨飛翼聳輕音浮光隨日度漾影逐波

深迴瞰周平野開懷暢遠襟獨此三休上還傷千

里心



又

王勃

臨高臺高臺迢迢絕浮埃  
 瑤軒綺構何崔嵬鸞歌  
 鳳吹清且哀俯瞰長安道  
 萋萋御溝草斜對甘泉  
 路蒼蒼蒼茂陵樹高臺  
 四望同帝鄉一本無帝鄉二字  
 佳氣鬱葱葱紫閣丹樓  
 紛照耀璧房錦殿相玲瓏  
 東迷長樂觀一作道西指未央宮  
 赤城映朝日綠樹搖春風  
 旗亭百隊開新市甲第千  
 蕙分戚里朱輪翠蓋不勝  
 春疊榭層楹相對起復有  
 青樓大道中繡戶文窻雕  
 綺櫳錦衾夜不爨羅正晝夕一作未空歌屏

朝揜翠粧鏡晚窺紅爲君  
 開寶髻蛾眉罷花叢塵間  
 狹路黯將暮雲開月色明  
 如素鴛鴦池上兩兩飛鳳  
 凰樓下雙雙度物色正如  
 此佳期那不顧銀鞍繡轂  
 盛繁華可憐今夜宿娼家  
 娼家少婦不須顰東園桃  
 李片時春君看舊日高臺  
 處柏梁銅雀生黃塵

又

沈佺期

高臺臨廣陌車馬紛相續  
 回首思舊鄉雲山亂心曲  
 遠望河流緩周看原野綠  
 向夕林鳥還憂來飛



景促

又

王易從

漢主事祈連良人在高關空臺寂已暮愁坐變容  
髮汎豔春幌風徘徊秋戶月可憐軍書斷空使流  
芳歌

釣竿篇

沈佺期

朝日歛紅煙垂竿向綠川人疑天上坐魚似鏡中  
懸避檝時驚透猜釣每誤牽湍危不理轄潭靜欲  
留船釣玉君徒尚徵金我未賢為看芳餌下貪得

會無筌

隴頭吟

王維

長城少年游俠客夜上戍樓看太白隴頭明月迴  
臨關隴上行人夜吹笛關西老將不勝愁駐馬聽  
之雙淚流身經大小百餘戰麾下偏裨萬戶侯蘇  
武纔為典屬國節旄空落一作盡海西頭

隴西行

王維

十里一走馬五里一揚鞭都護軍書至匈奴圍酒  
泉關山正飛雪烽戍斷無煙



隴頭水

楊師道

隴頭秋月明隴水帶關城笳添離別曲風送斷腸  
聲映雪峰猶暗乘冰馬屢驚霧中寒鴈至沙上轉  
蓬輕天山傳羽檄漢地急徵兵陣開都護道劍聚  
伏波營於茲覺無渡一作度方共濯胡纓

又

員半千

路出金河道山連玉塞門旌旗雲裏度楊柳曲中  
喧蹙血多壯膽畏草無怯魂嚴霜斂曙色大明辭  
朝暎塵銷管卒壘沙靜都尉垣霧卷白山出風吹  
黃葉翻將軍獻凱入萬里絕河源

又

盧照鄰

隴阪高無極征人一望鄉關河別去水沙塞斷歸  
腸馬繫千年樹旌懸九月霜從來共嗚咽皆是為  
勤王

又

沈佺期

隴山飛落葉隴鴈度寒天愁見三秋水分為兩地  
泉西流入羌郡東下向秦川征客重回首肝腸空  
自憐



出塞

虞世南

上將三畧遠元戎九命尊  
 緬懷古人節思酬明主  
 恩山西多勇氣塞北有遊魂  
 揚桴一作鞭上隴坂勒  
 騎下平原誓將絕沙漠  
 悠然去玉門輕齎不遑舍  
 驚策驚戎軒凜凜邊風急  
 蕭蕭征馬煩雪暗天山  
 道冰塞交河源霧鋒黯無色  
 霜旗凍不翻耿介倚  
 長劍日落風塵昏

又

竇威

匈奴屢不平漢將欲縱橫  
看雲方結陣却月始連

營潛軍度馬邑揚旆掩

一作卷

龍城會勒燕然石方

傳車騎名

又

楊炯

塞外欲紛紜雌雄猶未分明  
 堂占氣色華蓋辨星  
 文二月河魁將三千太乙軍  
 丈夫皆有志會見一作是  
 立功勳

又

張柬之

俠客重恩光駉馬飾金裝  
 警聞傳羽檄馳突救邊  
 荒歛野山川動晝天  
 旌旆揚吳鉤明似月  
 楚劍利



唐詩所  
卷四  
如霜電斷衝胡塞風飛出洛陽轉戰磨笄俗橫行  
戴斗鄉手擒郅支長面縛谷蠡王將軍占太白小  
婦怨流黃驥裏青絲騎娉婷紅粉粧三春鶯度曲  
八月鴈成行誰堪坐愁思羅袖拂空牀

又

沈佺期

十年通大漠萬里出長平寒日生戈劔陰雲拂旆  
旌饑鳥啼舊壘疲馬戀空城辛苦阜蘭北胡塵損  
漢兵

又

喬備

沙場三萬里猛將五千兵旌斷冰谿戍笳吹鐵關  
城陰雲暮下雪寒日晝無晶直爲懷恩苦誰知邊  
塞情

又

王維

居延城外獵天驕白草連山野火燒暮雲空磧時  
驅馬秋日平原好射鵬護羌校尉朝乘障破虜將  
軍夜渡遼玉靶角弓珠勒馬漢家將賜霍嫖姚

又二首

王昌齡

秦時明月漢時關萬里長征人一作征夫尚未還但使



龍城飛將在不教胡馬度陰山

驕馬新跨白玉鞍戰罷沙場月色寒城頭鐵鼓聲  
猶振匣裏金刀血未乾

又

賈至

萬里平沙一聚塵南飛羽檄北來人傳道五原烽  
火急單于昨夜寇新秦

前出塞九首

杜甫

戚戚去故里悠悠赴交河公家有程期亡命嬰禍  
羅君已富土境開邊一何多棄絕父母恩吞聲行  
負戈

出門日已遠不受徒旅欺骨肉恩豈斷男兒死無  
時走馬脫轡頭手中挑青絲捷下萬仞岡俯身試  
寒旗

磨刀鳴咽水水赤刃傷手欲輕腸斷聲心緒亂

一作

錯已久丈夫誓許國憤惋復何有功名圖麒麟戰

骨當速朽

送徒既有長遠戍亦有身生死向前去不勞吏怒  
嗔路逢相識人附書與六親哀哉兩決絕不復問



一作  
同 苦辛

迢迢萬餘里領我赴三軍軍中異苦樂主將寧盡  
聞隔河見胡騎倏忽數百羣我始爲奴僕幾時樹  
功勳

挽弓當挽強用箭當用長射人先射馬擒賊先擒  
王殺人亦有限立國自有疆苟能制侵陵豈在多  
殺傷

驅馬天雨雪軍行人高山逕危抱寒石指落層水  
間已去漢月遠何時築城還浮雲暮南征可望不  
可攀

單于寇我壘百里風塵昏雄劍四五動彼軍爲我  
奔虜其名王歸繫頸受轅門潛身備行列一勝何  
足論

從軍十餘年能無分寸功衆人貴苟得欲語羞雷  
同中原有鬪爭况在狄與戎丈夫四海志安可辭  
固窮

後出塞五首

杜甫

男兒生世間及壯當封侯戰伐有功業焉能守舊



丘召募赴薊門軍動不可留千金買馬鞍百金裝  
刀頭閭里送我行親戚擁道周斑白居易上列酒酣  
進庶羞少年別有贈含笑看吳鉤

朝進東門營暮上河陽橋落日照大旗馬鳴風蕭  
蕭平沙列萬幕部伍各見招中天懸明月令嚴夜  
寂寥悲笳數聲動壯士慘不驕借問大將誰恐是  
霍嫖姚

古人重守邊今人重高勳豈知英雄主出師亘長  
雲六合已一家四夷且孤軍遂使貔虎士奮身勇  
所聞拔劍擊大荒日收胡馬羣誓開玄冥北持以  
奉吾君

獻凱日繼踵兩蕃靜無虞漁陽豪俠地擊鼓吹笙  
竽雲帆轉滄海杭稻來東吳越羅與楚練照耀輿  
臺軀主將位益崇氣驕凌上都邊人不敢議議者

死路

一作通衢  
又作道衢

我本良家子出師亦多門將驕益愁思身貴不足  
論躍馬二十年恐辜明主恩坐見幽州騎長驅河  
洛昏中夜間道歸故里但空村惡名幸脫免窮老



無兒孫

入塞

劉希夷

將軍陷虜圍邊務息戎機霜雪交河盡旌旗入塞  
飛曉光隨馬度春色伴人歸課績朝明主臨軒拜  
武威

唐樂府卷四

唐樂府卷五

明新安

吳勉學師古編輯

陸慶祥長倩校正

折楊柳

楊炯

邊地遙

一作迷

無極征人去不還秋容凋翠羽別淚

損紅顏望斷流星驛心馳明月關藁砧何處在楊  
柳自堪攀

又

盧照鄰

倡樓啓曙扉楊柳正依依鶯啼知歲隔條變識春



唐詩卷五  
歸露葉凝秋黛風花亂落一作舞衣攀折將安寄軍

中音信稀

又

韋承慶

萬里邊城地三春楊柳節葉似鏡中眉花如關外  
雪征人遠鄉思倡婦高樓別不忍擲年華含情寄  
攀折

又

沈佺期

玉牕朝日映羅帳春風吹拭淚攀楊柳長條踈地  
垂白花飛歷亂黃鳥度一作參差妾自肝腸斷傷

人那得知

又

崔湜

二月風光半三邊戍不還年華妾自惜楊柳爲君  
攀落絮縈一作衫袖垂條拂髻鬟那堪音信斷流  
滄望陽關

又

鄭愔

青柳映紅顏黃雲蔽紫關忽聞邊使出枝葉爲君  
攀舞腰愁欲斷春心望不還風花滾成雪羅綺亂  
斑斑



又

劉憲

沙塞三河道金閨二月春碧煙楊柳色紅粉綺羅  
人露葉憐啼臉風花思舞巾攀持君不見為聽曲  
中新

又

張九齡

纖纖折楊柳持此寄情人一枝何足貴憐是故園  
春遲景那能久芳菲不及新更愁征戍客容鬢老  
邊塵

又

喬知之

可憐濯濯春楊柳攀折將來就纖手妾容與此同  
盛衰何必君恩能獨久

又

李白

垂楊一作楊柳拂淥水搖豔一作豔東風年花明玉關雪  
葉煖金牕煙美人結長想一作恨對此心悽然攀條  
折春色遠寄龍庭前一作沙邊

又

余延壽

天道連國門東西種楊柳歲蕤君不見裊娜垂來  
久緣枝棲暝禽雄去雌獨吟餘花怨春盡微月起



唐詩卷五  
秋陰坐望牕中蝶起攀枝上葉好風吹長條婀娜  
何如妾妾見柳園新高樓四五春莫吹胡塞一作笳  
曲愁殺隴頭人

折柳篇

許景先

春色東來度渭

一作灞

橋青門垂柳百千條長楊西

連建章路漢家林苑紛無數紫花始遍合歡枝

一作

宮

遊絲半骨相思樹春樓初日照南隅柔條垂綠

掃金鋪寶釵新梳倭墮髻錦帶交垂連理襦自憐

柳塞淹戎幕銀燭長啼愁夢著芳樹朝催玉管新

春風夜染羅衣薄城頭楊柳已如絲今年花落去  
年時折芳遠寄相思曲為惜容華難再持

關山月

盧照鄰

塞垣通碣石虜障抵祈連相思在萬里明月正孤

一作懸影移金岫北光斷玉門前寄言閨

一作中

婦時一作愁看鴻鴈天

一作書謝

中

又

崔融

月生西海上氣逐邊風壯萬里度

一作照

關山蒼茫

非一狀漢兵開郡國胡馬窺亭障夜夜聞悲笳征



人起南望

又

沈佺期

漢月生遼海  
曠曠出半暉  
合昏玄菟郡  
中夜白登圍  
暈落關山迴  
光含霜霰微  
將軍聽曉角  
戰馬欲南歸

又

李白

明月出天山  
蒼茫雲海間  
一作蒼蒼  
蒞雲間  
長風幾萬里  
吹度玉門關  
漢下白登道  
胡窺青海灣  
由來征戰地  
不見有人還  
戍客望邊色  
一作思歸  
多苦顏高

樓當此夜歎息未應閑

又

徐九臯

玉塞抵長城  
金微映高闕  
遙心萬餘里  
直望三邊月  
霜靜影逾懸  
露稀光漸沒  
思君不可見  
空歎將焉歇

又

儲光羲

一鴈過連營  
繁霜覆古城  
胡笳在何處  
半夜起邊聲

洛陽道

沈佺期



九門開洛邑雙闕對河橋白日青春道軒裳半下  
朝乘羊稚子看拾翠美人嬌行樂歸怕晚香塵撲  
地遙

洛陽道五首

儲光羲

洛水春冰開洛城春樹綠朝看大道上落花亂馬  
足

劇孟不知名千金買寶劍出入平津邸自言嬌且  
艷

大道直如髮春日佳氣多五陵貴公子雙雙鳴玉

珂

春風二月時道傍柳堪把上枝覆宮閣下枝拂一作  
覆車馬

洛水照千門千門碧空裏少年不得志走馬遊新  
市

洛陽陌

陌一作道

李白

白玉誰家郎迴車渡天津看花東陌上驚動洛陽  
人

長安道

沈佺期



秦地平如掌層城入一作雲漢樓閣九衢春車馬

千門且綠槐開復合紅塵聚還散日晚鬪雞還一作

迴經過狹斜看

長安道二首

儲光羲

鳴鞭過酒肆袷服遊倡門百萬一時盡含情無片

言

西行一千里暝色生寒樹暗聞歌吹聲知是長安

路

長安道

郭茂倩作霍將軍

崔顥

長安甲第高入雲誰言居住霍將軍日晚朝迴擁

賓從路傍揖拜何紛紛莫言炙手手可熱須臾火

盡灰亦滅莫言貧賤即可欺人生富貴自有時一

朝天子賜顏色世上一作事悠悠應一作君始知

梅花落

楊炯

窗外一株梅寒花五出開影隨朝日遠香逐便風

來泣對銅鈎障愁看玉鏡臺行人斷消息春恨幾

徘徊

又

盧照鄰



唐詩卷五  
梅院嶺一作花初發天山雪未開雪處疑花浦花邊  
似雪迴因風入舞袖雜粉向粧臺匈奴幾萬里春  
至不知來

又

沈佺期

鐵騎幾時迴金閨怨早梅雪寒一作花已落風煖  
葉應開夕逐新春管香迎小歲杯盛時何足貴書  
裏報輪臺

又

劉方平

新歲芳梅樹繁花一作苞四面同春風吹漸落一夜

幾枝空少婦今如此少一作小長城恨不窮莫將遼海  
雪來比後庭中

紫騮馬

楊炯

俠客重周遊金鞭控紫騮蛇弓白羽箭鶴轡赤茸  
鞅發跡來南海長鳴向北州匈奴今未滅畫地取  
封侯

又

盧照鄰

騮馬照金鞍轉戰入皋蘭塞門風稍急長城水正  
寒雪暗鳴珂重一作易山長噴玉難不辭橫絕漠流



血幾時乾

又

沈佺期

青玉紫駟鞍驕多影屢盤荷君能剪拂躑躅噴桑  
乾踈足追奔易長鳴遇賞難撻金二萬里霜露不  
辭寒

又

李白

紫駟行一作驕且嘶雙翻碧玉蹄臨流不肯渡似惜  
錦障泥白雪關山一作城遠黃雲海樹一作戍迷揮鞭  
萬里去安得念一作戀春閨

驄馬

楊炯

驄馬鐵連錢長安俠少年帝畿平若水官路直如  
弦夜玉粧車軸秋金鑄馬鞭風霜但自保窮達任  
皇天

又

萬楚

金絡青驄白玉鞍長鞭紫陌野遊盤朝驅東道塵  
恒滅暮到河源日未闌汗血每隨邊地苦蹄傷不  
憚隴陰寒君能一飲長城窟為盡一作報天山行路  
難



又

沈佺期

西北五花驄來時道向東  
四蹄碧玉片雙眼黃金  
瞳鞍上留明月嘶間動朔風  
借君馳沛艾一戰取  
雲中

雨雪曲

盧照鄰

虜騎三秋入關雲萬里平  
雪似胡沙暗冰如漢月  
明高闕銀為闕長城玉作城  
節旄零落盡天子不知名

劉生

楊炯

卿鄉一作家本六郡年長入三秦  
白壁酬知己黃金謝主人  
劍鋒生赤電馬足起紅塵  
日暮歌鍾發喧喧動四鄰

又

盧照鄰

劉生氣不平抱劍欲專征  
報恩為豪俠死難在橫  
行翠羽裝劍一作鞘黃金鏤一作飾  
馬纓但令一顧重不恡百身輕

白鼻騮

李白

銀鞍白鼻騮綠地障泥錦  
細雨春風花落時一作春風



細雨落  
花時  
揮鞭直且一作就胡姬飲

公無渡河卽堽侯引

李白

黃河西來決崑崙咆哮一作萬里觸龍門波滔天  
堯咨嗟大萬理百川兒啼不窺家殺湍湮洪水九  
州始桑麻其害乃去茫然風沙被髮之叟狂而癡  
清晨徑今本作臨流欲奚爲旁人不惜妻止之公無渡  
河昔渡之虎可搏河難馮公果溺死流海湄海湄  
今本無海有長鯨白齒若雪山公乎公平掛骨一作  
酒重字於其問堽篋所悲竟不還

篋篋引

王昌齡

盧一作谿郡南夜泊舟夜聞兩岸羌戎謳其時月

黑猿啾啾微雨霑衣令人愁有一遷客登高樓不  
言不寐彈篋篋彈作薊門桑葉秋風沙颯颯青塚  
頭將軍鐵驄汗血流深入匈奴戰未休黃旗一點  
兵馬收亂殺胡人積如丘瘡病驅來役一作邊州  
仍披漠北羔羊裘顏色饑枯掩面羞眼眵淚滴深  
兩眸思還本鄉食糞牛欲語不得指咽喉或有強  
壯能咿嘍意說被他邊將讎五世屬藩漢主畱碧



毛氊帳河曲遊橐駝五萬部落稠敕賜飛鳳金兜  
鍔爲君百戰如過籌靜掃陰山無鳥投家藏鐵券  
特承優黃金千一作百斤不稱求九族分離作楚囚  
深谿寂寞絃苦幽草木悲感聲颼颼僕本東山爲  
國憂明光殿前論九疇麓讀兵書盡冥搜爲君掌  
上施權謀洞曉山川無與儔紫宸詔發遠懷柔搖  
筆飛霜如奪鉤鬼神不得知其由憐愛蒼生比蚍  
蜉朔一作綠河屯兵須漸抽盡遣降來拜御溝便令  
海內休戈矛何用班超定遠侯史臣書之得已不

筮篋謠

李白

攀天莫登龍走山莫騎虎貴賤結交心不移唯有  
嚴陵及光武周公稱大聖管蔡寧相容漢謠一斗  
粟不與淮南春兄弟尚路人一作行路吾心安所從他  
人方寸間山海幾千重輕言託朋友對面九疑峯  
多一作開花必早落桃李不如松管鮑久已死何人  
繼其蹤

江南曲八首

劉希夷

暮宿南洲草晨行北岼林日懸滄海濶水隔洞庭



唐詩卷五  
深煙景無留意風波有異潯歲遊難極目春戲易  
爲心朝夕無榮遇芳菲已滿襟

艷唱潮初落江花露未晞春洲驚翡翠朱服弄芳  
菲畫舫煙中淺青陽日際微錦帆衝浪濕羅袖拂  
行衣含情罷所採相歎惜流暉

君爲隴西客妾遇江南春朝遊含靈果夕採弄風  
蘋果氣時不歇蘋花日自新以此江南物持贈隴  
西人空盈萬里懷欲贈竟無因

皓如楚江月靄若吳岫雲波中自皎鏡山上亦氤  
氳明月留照妾輕雲持贈君山川各離散光氣乃  
殊分天涯一爲別江北不相聞

艤舟乘潮去風帆振草涼潮平見楚甸天際望維  
揚洄泝經千里煙波接兩鄉雲明江嶼出日照海  
流長此中逢歲晏浦樹落花芳

暮春三月晴維揚吳楚城城臨大江汜迴映洞浦  
清晴雲曲金閣珠樓碧煙裏月明芳樹羣鳥飛風  
過長林雜花起可憐離別誰家子于此一至情何  
已



北堂紅草盛葶苳南湖碧水照芙蓉朝遊暮起金花盡漸覺羅裳珠露濃自惜妍華三五歲已歎關山千萬重人情一去無還日欲贈懷芳怨不逢憶昔江南年盛時平生怨在長洲曲冠蓋星繁江水上衝風標落洞庭淥落花 袖紅紛紛朝霞高閣洗晴雲誰言此處嬋娟子珠玉爲心以奉君

又

宋之問

妾住越城南離居不自堪採花驚曙鳥摘葉餒春蠶懶結茱萸帶愁安玳瑁簪待君消瘦盡日暮碧

綠一作江潭

江南曲四首

儲光羲

綠江深見底高浪直翻空慣是湖邊住舟輕不畏風

逐流牽荇葉綠岸摘蘆苗爲惜鴛鴦鳥輕輕動畫橈

日暮長江裏相邀歸渡頭落花如有意來去逐船流

隔江看樹色沿月聽歌聲不是長干住那從此路



行

又

劉春虛

美人何蕩漭湖上風日長玉手欲有贈徘徊雙明  
璫歌聲隨綠水怨色起青一作春陽日暮還家望雲

波橫洞房

江南曲五首

丁仙芝

長干斜路北近浦是兒家有意來相訪明朝出浣  
沙

發向橫塘口船開值急流知郎舊時意且請攏船

頭

昨暝逗南陵風聲波浪阻入浦不逢人歸家誰信

汝

未曉已成妝乘潮去茫茫因從京口渡使報邵陵

王

始下芙蓉樓言發瑯琊岸急為打船開惡許傷人

見

又

李叔卿

湖上女江南花無雙越女春浣紗風似箭月如弦



少年吳兒曉進船，  
郝家子弟謝家郎。  
烏巾白袷紫香囊，  
菱歌思欲絕，楚舞斷人腸。  
歌舞未終涕雙隕，  
舊宮坡陀絕。一作纜  
嶙隱西山暮雨過，  
江來北渚春雲沿海盡。  
渡口水流緩，妾歸宵剩遲。  
含情爲君再理曲，  
月華照出澄江時。

江南行

李康成

楊柳青青鶯欲啼，  
風光搖蕩綠蘋齊。  
金陵城頭日色低，  
日色低情難極。  
水中鳧鷖雙比翼。

江南行

張潮

茨菰葉爛別西灣，  
蓮子花開一作新猶未還。  
妾夢不離江水上，  
人傳郎在鳳凰山。

登高丘而望遠海

李白

登高丘，望遠海。  
六鼇骨已霜，三山流安在。  
扶桑半摧折，白日沈光彩。  
銀臺金闕如夢中，  
秦皇漢武空相待。  
精衛費木石，  
鼉鼉無所憑。  
君不見，  
驪山茂陵盡灰滅。  
牧羊之子來攀登，  
盜賊劫寶玉，  
精靈竟何能。  
窮兵黷武，  
今如此，  
鼎湖飛龍安可乘。

挽歌詞

趙微明



寒食蒿上明淒淒郭東路素車誰家子丹旄引將  
去原下荆棘叢叢邊有新墓人生一作間痛長別此

是長別處曠野何蕭條風悲一作青松白楊樹

古挽歌

孟雲卿

草草閭一作門巷喧塗車儼成位冥冥一作寂何所須

盡我生人意北邙路非遠此別終天地臨穴頻撫

棺至哀反無淚爾形未衰老爾息纔童稚骨肉安

可離皇天若容易房帷卽靈帳庭宇爲哀次薤露

歌若斯人生盡如寄

對酒行二首

李白

松子棲金華安期入蓬每此人古之仙羽化竟何

在浮生速流電倏忽變光彩天地無彫換容顏有

遷改對酒不肯飲含情欲誰待

勸君莫拒杯春風笑人來桃李如舊識傾花向我

開流鶯啼碧樹明月窺金壘昨來朱顏子今日白

髮催棘生石虎殿鹿走姑蘇臺自古帝王宅城闕

閉黃埃君若不飲酒昔人安在哉

對酒曲二首

賈至



梅發柳依依黃鸝歷亂飛當歌憐景色對酒惜芳  
菲曲水浮花氣流風散舞衣通宵留暮雨上客莫

言歸

春來酒味濃舉酒對春叢一酌千憂散三杯萬事  
空放歌乘美景醉舞向東風寄語尊前客生涯任

轉蓬

對酒吟

崔國輔

行行日將夕荒村古塚

一作路

無人跡蒙籠荆棘一

鳥吟

一作飛

屢勸

一作唱

提壺沽酒喫古人不達酒不

足遺恨精靈傳此曲寄言世上

一作當代

諸少年平生

且盡杯中醪

陌上桑

李白

美女渭橋東

一作遊女 細綺衣

春還事蠶作五馬如飛龍

宋板作花

青絲結金絡不知誰家子調笑來

一作還來事

相

謔妾本秦羅敷玉顏豔名都綠條映素手採桑向

城隅使君且不顧况復論秋胡寒蠶愛碧草鳴鳳

棲青梧託心自有處但惟傍人愚徒令白日暮高

駕空踟躕



唐樂府卷五

唐樂府卷六

明新安

吳勉學師古編輯

陸慶祥長倩校正

采桑

劉希夷

楊柳送行人青青西入秦誰家采桑女樓上不勝  
 春盈盈灞水曲步步春芳綠紅臉耀明珠絳脣含  
 白玉回首渭橋東遙憐春樹一作色同青絲嬌落日  
 細綺弄春風携籠長歎息透遲一作戀春色看花  
 若有情倚樹疑無力薄暮思悠悠使君南陌頭相



逢不相識歸去夢青樓

又

郎大家宋氏

春來南鴈歸日去西蠶遠妾思紛何極客一作遊殊未返

日出人行

李白

日出東方隈似從地底來歷天又復入西海今本此句

作歷天六龍所舍安在哉其始與終古不息一作其行

又入海人非元氣安得能一作能與之又徘徊草不謝

終古不榮於春風木不怨落於秋天誰揮鞭策驅四運萬

物興歇皆自然羲和羲和汝奚汨沒於荒淫之波

魯陽何德駐景揮戈逆道違天矯誣實多吾將囊

括大塊浩然與溟滓音同科

王昭君

上官儀

玉關春色晚金河路幾千琴悲桂條上笛怨柳花

前霧掩臨粧月風驚入鬢蟬緘一作裁書待迴使淚

盡白雲一作天

又

駱賓王

歛容辭豹尾緘怨度龍鱗金鈿明漢月玉筋染胡



塵粧鏡菱花暗愁眉柳葉顰唯有清笳曲時聞芳  
樹春

又

沈佺期

非君惜鸞殿非妾妬蛾眉薄命由驕虜無情是畫  
師嫁來胡地日不並漢宮時辛苦無聊賴何堪馬  
上辭

王昭君三首

郭振

自嫁單于國長銜漢掖悲容顏日憔悴有甚畫圖  
時

厭踐冰霜域嗟爲邊塞人思從漠南獵一見漢家  
塵

聞有南河信傳言殺畫師始知君念重更肯惜蛾  
眉

又

梁獻

圖畫失天真容華坐誤人君恩不可再妾命在和  
親淚點關山月衣銷邊塞塵一聞陽鳥至思絕漢  
宮春

又

李白



漢家秦地月流影送一作明妃一上玉關道天涯

去不歸漢月還從東海一作出明妃西嫁無來日

燕支長寒雪作花蛾眉憔悴沒胡沙生之黃金枉

圖畫死留青塚使人嗟

又 李白

昭君拂玉鞍上馬啼紅頰今日漢宮人明朝胡地

妾

又 崔國輔

漢使南還盡胡中妾獨存紫臺綿望絕秋草不堪

論

又 無名氏

一回望月一回悲望月月移人不移何時得見漢

朝使為妾傳書斬畫師

昭君怨二首 董思恭

新年猶尚小那堪遠聘秦裾衫沾馬汗眉黛染胡

塵舉眼無相識路逢皆異人唯有梅將李猶帶故

鄉春

琵琶馬上彈行路曲中難漢月正南遠燕山極一作



直北寒髻鬟風拂亂一作散眉黛雪沾殘斟酌紅顏

盡一作改徒勞握鏡看

又

張文琮

戒途飛萬里迴首望三秦忽見天山雪還疑上苑春  
春玉痕垂粉淚羅袂拂胡塵為得胡中曲還悲遠嫁人

又

盧照鄰

合殿恩中絕交河使漸稀肝腸隨玉輦形影向金微  
漢地一作宮草應綠胡庭沙正飛願逐三秋鴈年

年一度歸

又

顧朝陽

莫將鉛粉匣不用鏡花光一去邊城路何情更畫  
妝影銷胡地月衣盡漢宮香妾死非關命都一作抵  
緣怨斷腸

又三首

東方虬

漢道方全盛朝廷足武臣何須薄命妾辛苦事和  
親  
揜淚辭丹鳳銜悲向白龍單于浪驚喜無復舊時



容

胡地無花草春來不似春自然衣帶緩非是為腰身

明妃曲四首

儲光義

西行隴上泣胡天南向雲中指渭川  
毳幙夜來時宛轉何由得似漢王邊

胡王知妾不勝悲樂府皆傳漢國辭  
朝來馬上箜篌引稍似宮中閑夜時

日暮驚沙亂雪飛傍人相勸易羅衣  
強來前殿看歌舞共待單于夜獵歸

彩騎雙雙引寶車羌笛兩兩奏胡笳  
若為別得橫橋路莫隱一作不憶宮中玉樹花

又

王偃

北望單于日半斜明君馬上泣胡沙  
一雙淚滴黃河水應得東流入漢家

王子喬

宋之問

王子喬愛神仙七月七日上賓天  
白虎搖瑟鳳吹笙乘騎雲氣喻日精  
喻日精長不歸遺廟今在而



唐詩卷六  
人非空望山頭草草露濕人一作君衣

長歌行

李白

桃李得一作待

日開榮華照當年東風動百物草木

盡欲言枯枝無醜葉涸水吐清泉大力運天地義

和無停鞭功名不早著竹帛將何宣桃李務青春

誰能貫白日富貴與神仙蹉跎成兩失金石猶銷

鑠風霜無久質畏落日月後強歡歌與酒秋霜不

惜人倏忽侵蒲柳

又

王昌齡

曠野饒悲風颼颼黃一作多

蒿草繫馬倚白楊誰知

我懷抱所是同袍者相逢盡衰老北一作况

登漢家

陵南望長安道下有枯樹根上有鼯一作鼯

鼠窠高

皇子孫盡千載無人過寶玉頻發掘精靈其柰何

人生須達一作信命有酒且長歌

又

劉復

淮南木落秋雲飛楚宮商歌今正悲青春白日不

與我當壚舉酒勸君持出門驅馳四方事徒用辛

勤不得意三山海底無見期百齡世間莫虛棄君



不見金城帝業漢家有東制諸侯欲長久姦雄竊  
命風塵昏函谷重關不能守龍蛇出沒經兩朝胡  
虜憑陵大道銷河水東流宮闕盡五陵松柏自蕭  
蕭

短歌行

李白

白日何短短百年苦易滿蒼穹浩茫茫萬劫太極  
長麻姑垂兩鬢一半已成霜天公見玉女大笑億  
千場吾欲攬六龍迴車挂扶桑北斗酌美酒勸龍  
各一觴富貴非所願為今本人駐顏一作流光

銅雀臺

宋之問集中亦載此作

沈佺期

昔年分鼎地今日望陵臺一旦雄圖盡千秋遺令  
開綺羅君不見歌舞妾空來恩共漳河水東流無  
重回

又

王無競

北登銅雀上西望青松郭總帳空蒼蒼陵田紛漠  
漠平生事已變歌吹宛猶昨長袖拂玉塵遺情結  
羅幕妾怨在朝露君恩豈中薄高臺奏曲終曲終  
淚橫落



又

劉庭琦

銅臺宮觀委灰塵魏主園陵漳水濱卽今西望猶  
堪思况復當時歌舞人

又

賈至

日暮銅臺靜西陵鳥雀歸撫絃心斷絕聽管淚霏  
微靈几臨朝奠空牀卷夜衣蒼蒼川上月應照妾  
魂飛

銅雀妓二首

王勃

金鳳鄰銅雀漳河望鄴城君王無處所臺榭若平

生舞席紛何就歌梁儼未傾西陵松檟冷誰見綺  
羅情

妾本深宮妓層城閉九重君王歡愛盡歌舞爲誰  
容錦衾不復襲羅衣誰再縫高臺西北望流涕向  
青松

又

喬知之

金閣惜分香鉛華不重粧空餘歌舞地猶是爲君  
王哀弦調已絕艷曲不須長共看西陵暮秋煙起  
白楊



又

日暮銅雀迴秋深玉座清蕭森松柏望委鬱綺羅  
情君恩不再得妾舞為誰輕

王適

又

日斜漳浦望風起鄴臺寒玉座平生晚金樽妓吹  
闌舞餘依帳泣歌罷向陵看蕭索松風暮愁煙入  
井闌

鄭愔

又

西陵望何及絃管徒在茲誰言死者樂但令生者

李邕

悲丈夫有餘志兒女焉足私擾擾多俗情投迹互  
相師直節豈感激荒淫乃淒其潁水有許由西山  
有伯夷頌聲何寥寥唯聞銅雀詩君舉良未易永  
為後代嗤

又

袁暉

君愛本相饒從來似舞腰那堪攀玉座腸斷望陵  
朝怨着情無主哀凝曲不調况臨松日暮悲吹坐  
蕭蕭

又

劉方平



遺令奉君王嘖峨強一妝歲移陵樹色恩在舞衣  
香玉座生秋氣銅臺下夕陽淚痕沾并榦舞袖爲  
誰長

### 猛虎行

李白

朝作猛虎行暮作猛虎吟腸斷非關隴頭水淚下  
不爲雍門琴於旌今本作旌旗續紛兩河道戰鼓驚山  
欲傾倒秦人半作燕地囚胡馬翻銜洛陽草一輪  
一失關下兵朝降夕叛幽薊城巨鼇未斬海水動  
魚龍奔走安得寧頗似楚漢時翻覆無定止朝過

博浪沙暮入

宿一作

淮陰市張良未遇韓信貧劉項

存亡在兩臣蹇到下邳受兵畧來投漂母作主人

賢哲

一作達

栖栖古如此今時亦棄青雲士有策不

敢犯龍鱗竄身南國避胡塵寶書玉

長一作

劍束

一作

挂高閣金鞍駿馬散故人昨日方爲宣城客掣鈴

交通二千石有時六博快壯心遶林三匝呼一擲

楚人每道張旭奇心藏風雲世莫知三吳邦伯多

一作

顧眄四海豪俠皆相推

一作雄俠

蕭曹曾

一作

亦作沛中吏攀龍附鳳當有時溧陽酒樓三月春



楊花茫茫一作愁殺人胡雛綠眼吹玉笛吳歌白

紵飛梁塵丈夫相見一作且為樂椎牛搗鼓會衆

賓我從此去釣東一作海得魚笑寄情相親

又

儲光義

寒亦不憂雪饑亦不食人人肉豈不甘所惡傷明

神太室為我宅孟門為我鄰百獸為我膳五龍為

我賓蒙一作馬一何威浮江一以仁彩章耀朝日

爪牙雄武臣高雲逐氣浮厚地隨聲震君能賈餘

勇日夕長相親

燕歌行并序

高適

開元二十六年客有從御史大夫張公出塞而

還者作燕歌行以示適感征戍之事因而和焉

漢家煙塵在東北漢將辭家破殘賊男兒本自重

橫行天子非常賜一作顏色縱金伐鼓下榆關旌

旆逶迤碣石間校尉羽書飛瀚海單于獵火照狼

山山川蕭條極邊土胡騎憑陵雜風雨戰士軍前

半死生美人帳下猶歌舞大漠窮秋塞草腓孤城

落日闔兵稀身當恩遇常輕敵力盡關山未解圍



鐵衣遠戍辛勤久玉筋應啼別離後少婦城南欲  
斷腸征人薊北空回首邊庭飄飄那可度絕域蒼  
茫一作黃無一作何所有殺氣三時作陣雲寒聲一夜  
傳刁斗相看白刃血一作雪紛紛死節從來豈顧勳  
君不見沙場征戰苦至今猶憶李將軍

又

陶翰

請君留楚調聽我吟燕歌家在遼水頭邊風意氣  
多出身爲漢將正值戎未和雪中凌天山冰上度  
交河大小百餘戰封侯竟蹉跎歸來灞陵下故舊

無相過雄劍委塵匣空門唯

一作垂

雀羅玉簪

卽簪字

還趙姝瑤琴付齊娥昔日不爲樂時哉今柰何

又

賈至

國之重鎮惟幽都東威九夷北制胡五軍精卒三  
十萬百戰百勝擒單于前臨滹沱後易水崇山沃  
野亘千里昔時燕山重賢士黃金築臺從隗始條  
忽興亡空薊丘漢家又以封王侯蕭條魏晉爲橫  
流鮮卑竊據朝五州我唐區夏餘十紀軍容武備  
赫萬祀彤弓黃鉞授元帥懇耕大漠爲內地季秋



膠折邊草腓治兵羽獵因出師千營萬隊連旌旗  
望之如火忽電馳匈奴懾竄窮髮北大荒萬里無  
塵飛君不見隋家昔爲天下宰窮兵黷武征遼海  
南風不競多死聲鼓卧旗折黃雲橫六軍將士皆  
死盡戰馬空鞍歸故營時遷道革天下平白環入  
貢滄海清自有農夫已高枕無勞校尉重橫行

又

屈同仙

漁陽八月塞草腓征人相對併思歸雲和朔氣連

天暗

一作黑

一作

蓬雜驚

一作胡

一作

沙散野飛是時天地陰埃

遍瀚海龍城皆血

一作習

一作

戰兩軍鼓角暗相聞四面

旌旗看不見昭君遠嫁已年多戎狄無厭不復

一作

尚不和漢兵候月秋防塞胡騎乘水夜渡河河塞東

西萬餘里地與京華不相似燕支山下

一作上

少春

一作鬼

輝黃沙磧裏無流水金戈玉劔十年征紅粉

青樓多怨情厭向殊方

一作鄉

一作

久離別秋來愁聽擣

衣聲

從軍行二首

虞世南

塗山烽候驚弭節度龍城冀馬樓蘭將燕犀上谷



兵劍寒花不落弓曉月逾明凜凜嚴霜節冰壯黃  
河絕蔽日卷征逢浮天散飛雪全兵值月滿精騎  
乘膠折結髮早驅馳辛苦事旌麾馬凍重關冷輪  
摧九折危獨有西山將年年屬數奇

烽火發金微連營出武威孤城塞雲起絕陣虜塵  
飛俠客吸龍劍惡少縵胡衣朝摩骨都壘夜解谷  
蠡圍蕭關遠無極蒲海廣難依沙磴離旌斷晴川  
候馬歸交河梁已畢燕山旆欲揮方知萬里相侯  
服見光輝

又

王宏

兒生三日掌上珠燕頤猿肱穠李膚十五學劍北  
擊胡羌歌燕筑送城隅城隅路接伊川驛河陽渡  
頭邯鄲陌可憐年少把手時黃鳥雙飛梨花白秦  
王築城三千里西自臨洮東遼水山邊疊疊黑雲  
飛海畔莓莓青草死從來戰鬪不求勳殺身爲君  
君不聞鳳皇樓上吹急管落日裴徊腸先斷

又

楊炯

烽火照西京心中自不平牙璋辭鳳闕鐵騎繞龍



唐詩卷六  
城雪暗凋旗畫風多雜鼓聲寧爲百夫長勝作一書生

又

駱賓王

平生一顧重一作念意氣溢三軍野日分戈影天星合劍文弓弦抱漢月馬足踐胡塵不求生入塞唯當死報君

又

崔融

穹廬雜種亂金方武將神兵下玉堂天子旌旗過細柳匈奴運數盡枯楊關頭落月橫西嶺塞下凝雲斷北荒漠漠邊塵飛衆鳥昏昏朔氣聚羣羊依稀蜀杖迷新竹髣髴胡牀識故桑臨海舊來聞驃騎尋河本自有中郎坐看戰壁爲平土近待軍營作破羌

又

喬知之

南庭結白露北風掃黃葉此時鴻雁來驚鳴催思妾曲房理針線平砧搗文練鴛綺裁易成龍鄉信難見窈窕九重閨寂寞十年啼紗牕白雲宿羅幌月光栖雲月隱微微夜上流黃機玉霜凍珠履金



唐詩卷六  
吹薄羅衣漢家已得地君去將何事宛轉結蠶書  
寂寥無鴈使平生荷恩信本爲榮華進况復落紅  
顏蟬聲催綠鬢

又

劉希夷

秋天風颯颯

一作秋風  
來瑟瑟

羣胡馬行疾嚴城晝不開

伏兵暗相失天子廟堂拜將軍凶門出紛紛晉陽

道戎馬幾萬匹軍門厭黃河兵氣衝白日平生懷

仗劍慷慨卽

既

一作投筆南登漢月孤北走代

燕一作

雲密近取韓彭計早知孫吳術丈夫清萬里誰能

掃一室

又

劉庭琦

朔風吹寒塞胡沙千萬里陣雲出岱山孤月生海  
水次勝方求敵銜恩本輕死蕭蕭牧馬鳴中夜拔  
劍起

又

賀朝

朔胡乘月寇邊城軍書插羽刺中京天子金壇拜  
飛將軍于玉塞振佳兵騎射先鳴推任俠龍韜決  
勝佇時英聞有河湟客悄悄理帷帟常山啓霸圖



唐詩卷六  
汜水先天策銜珠浴鐵向桑乾纛旗膏劔指烏丸  
鳴雞已報關山曉來鴈遙傳沙塞寒直爲甘心從  
苦節隴頭流水鳴咽邊樹蕭蕭不覺春天山漠  
漠長飛雪魚麗陣接塞雲平鴈翼營通海月明始  
看晉幕飛鵝入旋聞齊壘啼烏聲自從一戍燕支  
山春光幾度晉陽關金河未轉青絲騎玉筋應啼  
紅粉顏鴻歸燕相續池邊芳草綠已見氛清細柳  
營莫更春歌落梅曲烽沈竈滅靜邊亭海宴山空  
肅已寧行望鳳京旋凱捷重來麟閣畫丹青

又

李昂

漢家未得燕支山征戍年年沙朔間塞下長驅汗  
血馬雲中恒閉玉門關陰山瀚海千萬里此日桑  
河凍流水稽洛山邊胡騎來漁陽戍裏烽煙起長  
途羽檄何相望天子按劔思北方羽林練士拭金  
甲將軍校戰出玉堂幽陵異域風煙改亭障連連  
古今在夜聞鴻鴈南渡河曉望旌旗北臨海塞沙  
飛浙瀝遙裔連窮磧玄漠雲平初合陣西山月出  
聞鳴鏑城南百戰多苦辛路傍死臥黃沙人戎衣



不脫隨霜雪汗馬趁趨長被鐵楊葉樓中不寄書  
蓮花劍上空流血匈奴未滅不言家驅逐行行邊  
微賒歸心海外見明月別思天邊夢落花落花迴  
望何悠悠芳樹無人度隴頭春雲不變陽關雪桑  
葉先知胡地秋田疇不賣盧龍策實憲思勒燕然  
石塵兵靜北垂此日交河湄欲令塞上無子戚會  
待單于繫頸時

又

王維

吹角動行人喧喧行人起笳悲馬嘶亂爭渡金河

水日暮沙漠陲戰聲煙塵裏盡繫名王頸歸來獻

一作天子

又二首

後一首一作杜願詩

王昌齡

向夕臨大荒朔風軫歸慮平沙萬里餘飛鳥宿何  
處虜騎獵長原翩翩傍河去邊聲搖白草海氣生  
黃霧百戰苦風塵十年履霜露雖投定遠筆未坐  
將軍樹早知行路難悔不理章句

秋草馬蹄輕角弓持弦急去爲龍城戰正值胡兵  
襲軍氣橫大荒戰酣日將入長風金鼓動白露鐵



衣濕四起愁邊聲南庭時竚立斷蓬孤自轉寒鴈  
飛相及萬里雲沙漲平原水霰澀惟聞漢使還一作

州獨向刀環泣

又七首

王昌齡

烽火城西百尺樓黃昏獨上一作海風秋更吹羌

一作笛關山月無那一作金閨萬里愁

琵琶起舞換新聲總是關山舊一作別情撩亂邊

愁聽一作不盡高高秋月照長城

關城榆葉早踈黃日暮雲沙古戰場表請回軍掩

塵骨莫教兵士哭龍荒

青海長雲暗雪山孤城遙望玉一作門關黃沙百

戰穿金甲不破樓蘭終一作不還

大漠風塵日色昏紅旗半捲出轅門前軍夜戰洮

河北已報生擒吐谷渾

胡瓶落膊紫薄汗碎葉城西秋月團明敕星馳封

寶劍辭君一夜取樓蘭

玉門山嶂幾千重山北山南總是烽人依遠戍須

看火馬踏深山不見蹤



又

王昌齡

大將軍出戰白日暗榆關  
二百黃金甲單于破膽  
還

又

崔國輔

塞北胡霜下營州索兵救  
夜裏偷道行將軍馬亦  
瘦刀光照塞月陣色明  
如晝傳聞賊滿山已共前  
鋒鬪

又

李白

從軍玉門道逐虜金微山  
笛奏梅花曲刀開明月

環鼓聲鳴海上兵氣擁雲間  
願斬單于首長驅靜  
鐵關

又

李白

百戰沙場碎鐵衣城南已合  
數重圍突營射殺呼  
延將獨領殘兵千騎歸

古從軍行

李頎

白日登山望烽火黃昏飲馬  
傍交河行人刁斗風  
沙暗公主琵琶幽怨多野雲  
萬里無城郭雨雪紛  
紛連大漠胡鴈哀鳴夜夜飛  
胡兒眼淚雙雙落聞







書